

VEDTEKTER FOR KOMMUNALE BARNEHAGAR I NORD-FRON

Vedteke i Utval for helse-, oppvekst- og kultursaker 21.3.2018 og i kommunestyret 10.4.2018.

Dei kommunale barnehagane i Nord-Fron skal drivast i samsvar med Lov om Barnehagar m.v. og dei til kvar tid fastsette føresegner og retningsliner frå departement og kommune.

Nord-Fron kommune står som eigar av Kvam barnehage Åa, Toksebakken barnehage, Skåbu barnehage og Ruste barnehage.

1. Administrasjon

Administrasjonen av barnehagane er lagt til verksemdsleiar, som er direkte underlagt rådmannsleiinga. Kvar barnehage skal ha ein styrar som er barnehagelærar.

2. Samarbeidsutval

Barnehagane skal ha eit samarbeidsutval med foreldre/føresette- og tilsettere representantar frå alle barnehagane, der foreldre/føresette, eigar og tilsette er likt representert. Skåbu oppvekst har eige samarbeidsutval.

3. Barnehagelovens § 1. Formål

«Barnehagen skal i samarbeid og forståelse med hjemmet ivareta barnas behov for omsorg og lek, og fremme læring og danning som grunnlag for allsidig utvikling. Barnehagen skal bygge på grunnleggende verdier i kristen og humanistisk arv og tradisjon, slik som respekt for menneskeverdet og naturen, på åndsfrihet, nestekjærlighet, tilgivelse, likeverd og solidaritet, verdier som kommer til uttrykk i ulike religioner og livssyn og som er forankret i menneskerettighetene.

Barna skal få utfolde skaperglede, undring og utforskertrang. De skal lære å ta vare på seg selv, hverandre og naturen. Barna skal utvikle grunnleggende kunnskaper og ferdigheter. De skal ha rett til medvirkning tilpasset alder og forutsetninger.

Barnehagen skal møte barna med tillit og respekt, og anerkjenne barndommens egenverdi. Den skal bidra til trivsel og glede i lek og læring, og være et utfordrende og trygt sted for fellesskap og vennskap. Barnehagen skal fremme demokrati og likestilling og motarbeide alle former for diskriminering.»

4. Språk

Nynorsk er – og har vore - opplæringsmålet i Nord-Fron sidan 1939.

Det skal, i stor utstrekning, nyttast nynorske songar og litteratur i barnehagane.

5. Om barnehageplassen

Barn som blir tildelt plass i kommunal eller privat barnehage, vil ha ein barnehageplass fram t.o.m. 14. august det året dei startar på skolen. Det kan ikkje garanterast plass i den same barnehagen. Maksimal opphaldstid pr. dag er 9,5 timar. Det blir tildelt plass for 3, 4 eller 5 dagar.

Ønskje om endring av plass (endra opphaldstid/overflytting til anna barnehage) blir behandla i forkant av ordinært hovudopptak.

Barn skal ha ferie i minst 5 veker i løpet av barnehageåret. Av desse skal tre vere samanhengande, og tas ut i perioden mai – august. Plandagar, fem i året, og dagar barnehagen er stengt i samband med jul og påske kan reknast som ferie.

6. Opningstider

Barnehageåret startar 15. august. Dei kommunale barnehagane har ope frå kl. 07.00- 16.30 dagleg, frå og med måndag til og med fredag, heile året.

Barnehagane er stengt f.o.m. 24. desember t.o.m. 1. januar og f.o.m. måndag etter palmesøndag t.o.m. 2. påskedag.

I juli/august er dei kommunale barnehagane samlokalisert i 4 veker.

7. Tildeling av plass

Det blir gjort eit samordna hovudopptak ein gong i året (vårhalvåret) til dei kommunale og private barnehagane, jfr. Barnehageloven § 12. Dette er kommunen sitt hovudopptak. I tillegg blir det gjort eit samordna opptak med plassar tildelt frå 1.januar.

Sjå punkt 5 vedr. dei som allereie har barnehageplass.

Det blir i tillegg gjort fortløpande tildeling av barnehageplassar så langt det er plass. Søkjarar utanom samordna opptak kan få plass/oppstartdato innan 6 veker frå søknaden er motteke inntil den godkjente kapasiteten i barnehagane er nådd. Søknadane vil bli behandla etter reglane i Barnehageloven og Forskrift om saksbehandlingsregler ved opptak til barnehage.

Det blir ikkje teke inn nye barn med oppstartsdato frå 15. mai i eit barnehageår.

Barnehageeigar gjer opptaket i samarbeid med dei private barnehagane.

8. Rett til plass i barnehage

Barnehageloven § 12 a «Rett til plass i barnehage»

«Barn som fyller ett år senest innen utgangen av august det året det søkes om barnehageplass, har etter søknad rett til å få plass i barnehage fra august i samsvar med denne loven med forskrifter.

Barn som fyller ett år i september, oktober eller november det året det søkes om barnehageplass, har etter søknad rett til å få plass i barnehage innen utgangen av den måneden barnet fyller ett år i samsvar med denne loven med forskrifter.

Barnet har rett til plass i barnehage i den kommunen der det er bosatt.

Søknadsfrist til opptaket fastsettes av kommunen.»

I Nord-Fron har alle barn rett til barnehageplass, uavhengig av når på året dei er født (K-vedtak 14.12.15, sak 154/15).

Denne lokale retten til plass gjeld ved hovudopptaket. Ved fortløpande tildelingar skal denne lokale retten vere eit mål inntil kapasiteten i barnehagane er nådd.

Kapasiteten til barnehagane er definert i godkjenninga av desse, og fortel kor mange plassar kvar barnehage har.

9. Kriterier i prioritert rekkefølge ved tildeling av plass:

1. Barn med nedsett funksjonsevne. Krav om sakkyndig vurdering/uttale (Barnehagelova § 13).
2. Barn som har vedtak etter Lov om Barnevernstenester (Barnehagelova § 13).
3. Barn som har behov for plass grunna sosiale og medisinske årsaker hjå barnet sjølv eller familien. Krav om dokumentasjon frå relevant faginstans.
4. Det skal takast omsyn til behovet til dei barna som skal byrje på skulen, slik at dei kan gå i gruppe med barn dei skal byrja på skulen saman med siste året før skulestart.
5. Det skal takast omsyn til barn som på grunn av alder må endre barnehage.

Sysken skal så langt råd er prioriterast til plass i same barnehage.

Ved tildeling av plass i barnehagane skal det gjerast ei totalvurdering av barnet sin situasjon, og av miljøet i barnehagen. Det må gjerast ei heilskapleg vurdering av gruppesamansetnad, slik at det ikkje blir for mange barn med spesielle behov i den enkelte gruppe.

Barn busett i andre kommunar kan tildelast plass dersom det er ledig kapasitet.

Det er mogleg å stå på venteliste til 1. prioritet av barnehage (lokasjon) etter hovudopptaket.

10. Klagerett

Det er klagerett etter § 6 i forskrift om saksbehandlingsregler ved opptak i barnehage.

Det er ulik klagerett på vedtak gjort ved hovudopptaket og vedtak utanom hovudopptaket (supplerande opptak).

Ved hovudopptaket kan søker klage dersom ikkje første eller andre ønskje om barnehage (lokasjon) er oppfylt.

Ved supplerande opptak er det berre dei med lovfesta rett til prioritet etter barnehageloven § 13 som kan klage dersom dei ikkje blir tilbydd plass i aktuell barnehage (lokasjon).

11. Oppseiing av plass

Oppseiingstida for barnehageplass er ein - 1 – månad, rekna frå den 1. i den påfølgjande månaden. Oppseiinga skal vere skriftleg.

Opphald (også enkeltdagar) som blir avslutta etter 1. mai blir rekna som utvida ferie og må betalast ut barnehageåret.

Dersom opphaldet til barnet (også enkeltdagar) skal endras for månadane mai-juni-juli, må søknad om dette vere motteke seinast 1. april.

12. Permisjon

Føresette kan søke permisjon frå barnehageplassen. Fritak frå betaling blir vurdert etter søknad. Permisjon for å utsette oppstart gir ikkje betalingsfri. Søknad om permisjon må sendast skriftleg til styrar ein månad før aktuell permisjonsperiode. Barnehageeigar avgjer om permisjonen blir innvilga.

13. Foreldrebetaling

Kommunestyret fastsett satsane for foreldrebetalinga. Eventuelle endringar vil til vanleg gjelde frå 1. januar kvart år.

Betalinga skjer på etterskott for kvar månad. I tillegg til betalingsattsane blir det kravd kostpengar som skal dekke dei reelle matutgiftene.

Det skal betalast for elleve månader i året – juli er betalingsfri.

Feriefråvær ut over 5 veker gir ikkje fritak for betaling.

14. Gjeldande forskrifter

For dei tilsette i barnehagane gjeld reglane om teieplikt i Forvaltningslova § 13 og krav om å levere politiattest jf. Barnehagelova § 19.

Dei tilsette må forplikte seg til å arbeide i samsvar med barnehagane sine vedtekter og gjeldande instruksar.

Barnehagelova § 21 og § 22 pålegg barnehagen v/styrar opplysningsplikt til sosialtenesta og barnevernstenesta.

15. Internkontroll

Det blir gjennomført internkontroll slik forskriftene seier. Styrar har ansvaret for dette.

16. Vedtektsendringar

Vedtektene kan endrast av kommunestyret etter tilråding frå Utval for helse-, oppvekst- og kultursaker.

Mindre ikkje-prinsipielle endringar, kan gjerast av Utval for helse-, oppvekst- og kultursaker.